



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opusculvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XXXVI.

urn:nbn:de:hbz:466:1-11115

oblaciones sacræ, quod est fermentum ex consecratione Episcopi per Ecclesias dirigerentur, ac sepultus est in cimiterio Calixti, via Appia, 4. Idus Ian. Et cessauit Episcopatus diebus 16.

XXXIV.

SILVESTER, natione Romanus, ex patre Rufino, sedit annis 23. mens. 10. diebus 11. Hic fuit in exilio in monte Soracte. & postmodum rediens cum gloria baptizauit Constantinum Augustum, quem curauit Dominus à lepra. Cuius temporibus factum est Concilium ipso præcipiente in Nicæa Bythiniæ, & congregati sunt trecenti 18. Episcopi Catholici, qui damnauerunt Arrium, Photinum, & Sabellium. In vrbe quoque Roma congregauit ipse cum consilio Augusti 277. & damnauit iterum Calixtum, Atrium, Photinum & Sabellium. Constituit etiam, vt baptizatum liniret presbyter chrismate leuatum de aqua propter occasionem transitus mortis, & vt nullus laicus crimen clericu audeat inferre, & vt diaconi dalmaticis in Ecclesia vterentur, & vt nullus clericus propter causam quamlibet in curiam introiret, nec ante iudicem causam diceret, nisi in Ecclesia. Et vt sacrificium altaris non in serico, neq; in panno tincto celebraretur, nisi tantum in lineo; sicut corpus Domini nostri Iesu Christi in sindone linea munda sepultum est. Ut si quis desideraret in Ecclesia militare, aut proficere, vt esset Lector annis 30. exorcista diebus 30. acolythus annis 5. subdiaconus 5. diaconus 7. presbyter tribus, probatus ex omni parte, & ab his, qui foris sunt, testimonium habere bonum, vnius uxoris virum à sacerdote benedictæ, & sic ad ordinem Episcopatus accedat. Hic sepultus est in cimiterio Priscillæ, via Salaria, ab vrbe Roma milliar. 3. prid. Kalend. Ian. catholicus & confessor quieuit. Cessauitq; Episcopatus dies 21.

XXXV.

MARCUS, natione Romanus, ex patre Prisco, sedit annis 2. mens. 9. dieb. 20. Hic constituit, vt Episcopus Ostiæ, qui consecrat Episcopum Vrbis, pallio vteretur, & ab eodem Episcopus Vrbis Romæ consecraretur. Qui obiit Nonis Octob. & sepultus est in cimiterio Balbinæ, via Ardeatina. Et cessauit Episcopatus dies 20.

XXXVI.

IVLIVS, natione Romanus, ex patre Rustico, sedit annis 15. mens. 2. diebus 5. Hic fuit missus in exilium à Constantio Imperatore hæreti-

hæretico mensibus 10. Post cuius mortem reuersus est. Et consti-
tuit, vt nullus clericus causam quamlibet in publico ageret: & re-
rum gestarum notitia, quæ omnibus pro fide Ecclesiastica est, per
notarios colligeretur, & in Ecclesia à clericis seruaretur. Qui etiam
sepultus est, via Aurelia, in cimiterio Calepodii milliario 3. pridie
Idus April. Et cessauit Episcopatus diebus 25.

XXXVII.

LIBERIVS, natione Romanus, ex patre Augusto, sedit annis 6.
mens. 4. dieb. 8. Hic pro eo, quod noluit consentire hæresi Ar-
rianæ, fuit in exilio annis 3. Cuius consilio **FELIX** venerabilis pre-
sbyter in loco eius ordinatus est Episcopus. Qui inuenit duos pre-
sbyteros Vrfacium & Valentem, consentientes Constantio Augu-
sto Arriano, & damnauit eos in Cōcilio 48. Episcoporū. Qui Vrsa-
cius & Valens post paucos dies zelo ducti, rogauerūt Constantiū, vt
de exilio reuocaret Liberium. Qui cōsensit eis, vt vna tantum par-
ticipatione communionis conueniret cum hæreticis, tantum vt
non rebaptizaretur. Post hæc fecit Constantius Concilium cum
aliquibus, qui ex fæce Ariana erant, & eiecit Felicem de Episcopa-
tu, qui erat Catholicus, & reuocauit Liberium. Depositus verò Fe-
lix 4. Kalend. Augusti, habitauit in prædiolo suo, via Portuensi. In-
gressus quoq; Liberius in urbem 4. non. Augusti consensit hæreti-
cis, non tamen rebaptizatus. & tenuit basilicas B. Petri & Pauli, &
Constantinianam annis 7. Et fuit persecutio magna in urbe Ro-
ma. Omnes itaq; anni Felicis in huius ordinatione dinumerantur.
Sepultus tamen est Liberius via Salaria in cimiterio Priscillæ. Et
cessauit Episcopatus dies 7.

XXXVIII.

FELIX, natione Romanus, ex patre Anastasio, sedit anno 1. mens.
3. dieb. 2. Hic declarauit Constantium filium Constantini hæ-
reticum, & rebaptizatum secundò ab Eusebio Episcopo Nicome-
dienisi in villa, quæ appellatur Aquilon. Pro quo facto capite trun-
catur cum multis clericis & fidelibus occultè iuxta muros urbis ad
latus formæ Traianæ, 3. Idus Nouemb. Et exinde rapuere corpus
eius Christiani, cum Damaso presbytero, & sepelierunt in basilica
supradicta eius via Aurelia 17. Kalend. Decembr. in pace. Et cel-
lauit Episcopatus dies 38.

R

XXXIX.